

禪月集

五

漢書門			
類	號	函	架
三	二	二	三
三	二	二	三
八	三	二	三

內閣文庫			
類	號	冊	架
漢	書	三	二
三	二	二	三
三	二	二	三
三	二	二	三
九	八	二	三

內閣文庫		
番號	漢	3422
冊數		8(5)
函號	312	211



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



淺草文庫

禪月集卷十一

五言律詩三十二首

寄赤松舒道士二首



不見高人久空令鄙悵多遙思青嶂下無那白雲

何子愛寒山子歌惟樂道歌會應陪太守一日到

烟蘿

又

余亦如君也詩魔不敢魔一食兼午睡萬事不如



他雨陣衝溪月，蛛絲絹砌莎。近知山果熟，還擬寄來麼。

鄂渚逢楊贊禹

流浪兵荒苦，相思歲月闌。理惟通至道，人或謂無端。燒猛湖烟赤，窻空雪月寒。知音不可見，始爲一吟看。

別性空禪師

積翠迸一瀑，紅霞碧霧開。方尋此境去，莫問幾時

迴盪。乘入檐石，思詩聞早雷。唯師心似我，欲近不燃灰。

送胡處士

不名兼不利，相遇海西濱。白字未干髮，清時錯愛雲。頭巾多酒氣，竹杖有苔文。久積希顏意，林中又送君。

寄瀾公二首

小一頭應白，孤高住歙城。不知安樂否，何以近無

生師常供養十六羅漢梵語云無生燒逼鴻行側風乾雪朕清途
中逢此信珍重未精誠

又

荒亂拋深隱飄零遠寓居片雲無定所得力是逢
瀑光洞山道人云吾師獨自往處處得逢瀑濶師群公社江崩古帝墟
終期再相見招手復何如

寄棲一上人

花壘接滄洲陰雲閉楚丘雨聲雖到夜吟味不如

秋古屋藏花鴿荒園聚亂流無機心便是何用話
歸休

送僧之湖南

湘水萬餘里師遊芳艸生登山乞食後無伴入雲
行宿雨和花落春牛擁霧耕不知今夜月何處聽
猿聲

秋末寄張侍郎

靜坐處一作黔城北離仁半歲疆霧中紅黍熟燒後

白雲香多病如何好無心去始長寂寥還得句溪
上寄三張

古塞曲三首

單于烽火動都護去天涯別賜黃金甲親臨白
除塞垣須靜謐師旅審安危定遠條支寵如今
勝古時

又

方見將軍貴分明帶冕旒聖威如遠被狂虜不難

收臣節唯期死功勳敢望侯終辭脩里第從此出
臯州

又

百萬精兵動參差便渡遼如何好白日亦照此天
驕遠樹深疑賊驚蓬迴似鵬凱歌何日唱磧路共
天遙

古塞下曲七首

下營依遁甲分帥祀河墜地使人心惡風吹旗燄

荒搜山得探卒放火獵黃羊唯有南飛鴈聲聲斷
客腸

又

歸去是何年山連邏沙川蒼黃曾戰地空濶養鴈
天旗插蒸沙堡捨擔卓樂泉蕭條寒日落號令徹
窮邊

又

虜寇且相持如龍馬不肥突圍金甲破趁賊鐵槍

飛漢月堂堂上胡雲慘慘微黃河水已合猶未送
征衣

又

南北惟堪恨東西實可嗟常飛侵夏雪何處有人
家風刮陰山薄河推大岸斜祗應寒夜夢時見故
園花

又

不是將軍虜胡兵豈易當雨曾淋火陣箭又中金

瘡鐵嶺全無土豺群亦有狼因思無戰日天子是
陶唐

又

榆葉飄蕭盡關防烽寨重寒來知馬疾戰後覺人
兇燒逐飛蓬死沙生毒霧濃誰能奏明主功業已
堪封

又

萬戰千征地蒼茫古塞明陰兵為客祟惡酒發刀

痕風落崑崙石河崩首藉根將軍更移帳日日近

西蕃一作明

古塞上曲七首

幽并兒百萬百戰未曾輸蕃界已深入將軍仍遠
圖月明風拔帳積暗鬼騎狐但有東歸日甘從筋
力枯

又

中軍殺白馬白日祭蒼蒼號變旗幡亂一作乾

艸木黃朔雲含凍雨枯骨放妖光故國今何處參
差近鬼方

又

白鴈兼羌笛幾年垂淚聽陰風吹殺氣永日在青
冥遠戍秋添將邊烽夜雜星嫖姚頭半白猶自看
兵經

又

久雨始無塵邊聲四散聞浸河荒寨柱吹角白頭

軍戰馬斃擗草烏為識陣雲征人心力盡枯骨更
遭焚

又

帳幕侵奚界憑陵未可涯擒生行別路尋箭向平
沙赤落蒲桃葉香微甘艸花不堪登隴望白日又
西斜

又

地角天涯外神號鬼哭邊大河流敗卒寒日照蒼

烟殺氣諸蕃動軍書一箭傳將軍莫惆悵高處勒
燕然

國採又

山接胡奴水河連勃勃城數州今已伏此命豈堪
輕磧吼旄頭落風乾刀斗清因嗟李陵苦祇得沒
蕃名

古出塞曲三首

掃盡狂胡迹迴頭望故關相逢惟死鬪豈易得生

還縱宴參胡樂收兵過雪山不封十萬戶此事亦
應閒

又

玉帳將軍意勤殷把酒論功高寧在我陣沒與招
魂塞色干戈束軍容喜氣屯男兒今始是識出玉
關門

又

回首隴山頭天連草木秋聖君應入夢半路遣封

侯水不擔陰雪柴令倒戕樓歸來麟閣上春色滿
皇州

聞赤松舒道士下世東陽口前相別

地變賢人喪瘡痍不可觀一聞消息苦千種破除
難陰德那虛擲深山近始安玄關評兔角玉器琢
雞冠傲野高難狎融怡美不禪冀迎新渥澤遠逐
逝波瀾蛻殼埋金隧飛情駕錦鸞傾摧千仞壁枯
歇下株蘭仙廟詩雖一作繼苔墻篆必烟霞成

片黯松桂著狂乾影拄溪流咽堂扃隙月寒寂寥
遺藥犬縹緲想瓊竿伊昔相尋遠留連幾盡歡論
詩花作席灸菌葉為盤彭仇心相似承禎趣一般
琴彈溪月側碁次砌雲殘儵忽成千古飄零見百
端荆襄春浩浩吳越浪漫漫已矣紅霞子空留白
石壇無絃亦須絕回首一長歎

贈抱麻劉舍人

郡政今良吏門風古縉紳萬年唐社稷一個哭麻

人憤烈身先死，敷敷氣益貞。
 天乎資大寶，泰矣見忠臣。
 得罪鍾多故，投荒豈是迤。
 玉寒方重澀，松古更青皴。
 鵬鵠寧唯白，龍多豈止荀。
 道孤梳有雪，恩重淚盈巾。
 喻蜀須憑艸，成周必仗仁。
 三峰宵旰切，萬里渥恩新。
 賦鵬言無累，依劉德有鄰。
 風欺仁祖帽，鼠訝史雲塵。
 禪叟知何幸，玄談有宿因。
 雙溪逢陸海，東陽見故荆渚遇平津。
浙西侍郎江陵見吏部相公，落日愁聞笛，何人為吐茵。
 生徒希匠化，寰海仰經綸。
 疾愈蟬

聲老時公在荆州間年豐雨滴頻，劉虬師弟子時
 喜一相親。
居夏疾方

禪月集卷十一 終

海虞毛晉訂

禪月集卷十二

五言律詩三十一首

夜寒寄盧給事一首

刻羽流商否霜風動地吹邇來唯自惜知合是誰
知漸雪消難盡鄰僧睡太奇知音不可得始爲一
吟之

又

心苦味不苦世衰吾道微清如雪電誰把比珠

幾作者相收拾常人任是非舊居滄海上歸去即應歸

送葉蒙赴舉

年年屈復屈惆悵曲江湄自古身榮者多非年少時空囊投刺遠大雪入關遲來歲還公道平人不
用疑

正聞王慥常侍卒三首

世亂君巡狩清賢又告亡星辰皆有角日月略無

光金柱連天折瑤階被賊荒令人轉惆悵無路問
蒼蒼

又

宗社運微衰山摧甘井枯不知千載後更有此人無政入龔黃甲詩輕沈宋徒受恩酬未得不覺祗
長吁

又

儻在扶天步重興古國風還如齊晏子再見狄梁

公棠樹梅溪北公為婺州大理梅溪發之亭名佳城舜廟東誰脩
循吏傳對此莫忿忿

秋晚野步

藤屨兼聞竹吟行一水傍樹涼蟬不少溪斷路多
荒燒岳陰風起田家濁酒香登高吟更苦微月出
蒼茫

聞大願和尚順世三首

王室今如燬仍聞喪我師古谷圖得否內院去無

疑太師行高德廣必生彌勒內院岳鬼月中哭松龕雪次隳直須

文五色始可立高碑

又

鄴衛松杉外芝蘭季孟間盡希重詔出祇待六龍
還不疾成千古令焚動四山感恩終有淚遙寄水
潺潺

又

師稟盡名卿孤峰老稱情若遊三點外爭把七賢

平苦霧埋空室啼猿有咽聲今朝益懶悵曾沐下床迎愚常念法華經師見即下床迎云吾不敢以衆人相待也

聞葉蒙及第

憶昨送君詩平人不用疑吾徒若不得天道即應私塵土茫茫曉麟龍艸艸騎相思不可見又是落花時

送僧之靈夏

舊識爲邊帥師遊勝事兼連天唯白草野餅有紅

鹽蕃近風多敦河渾積半淹因知心似月處處有人瞻人瞻

書無相道人菴

造化太茫茫端居紫石房心遺無句句頂剃有霜霜白鹿眠枯葉清泉洒毳囊寄言疑未決一作須道雪溪旁

明進士北齋避暑

相訪多衝雨由來德有鄰卷簾繁暑退溼樹一蟬

新道在誰為主吾衰自有因
祇應江海上還作狎鷗人

晚春寄吳融于競二侍郎

白頭為遠客常憶白雲間
祇覺老轉老不知閑是
閑花含宜細雨室冷是深山
唯有霜臺客依依是
往還

喜不思上人來

沃州那不住一別許多時
幾度懷君夜相逢出夢

遲瓶擔千丈瀑偈是七言詩
若向羅浮去伊余亦願隨

秋懷赤松道士

仙觀在雲端相思星斗闌
常吟呼鶴易却恨見君
難石罅青蛇溼風裡白菌乾
終期花月下壇上聽君彈

送劉逖赴閩

離亂生涯盡依劉是見機
從來吟苦不得力還

稀路入閩山熱江浮瘴雨肥何須折楊柳相送已
依依

苦雨中作

通宵復連夕其狀祇如傾却遣思山者忽然嫌水
聲上好花飄州盡古壁欲雲生不奈天難問迢迢遠
客情

送僧歸日本

焚香祝海靈開眼夢中行得達卽便是無生可作

輕流黃山火著碇石索雷鳴想到夷王禮還爲上

寺迎有僧遊日本云彼祇有三寺上寺名兜率國

名祇上寺風俗供養有德行卽漸遷上也

贈信安鄭道人

貌古似蒼鶴心清如鼎湖仍聞得新義便欲註陰
符默坐詩常有閒行影漸無杳令中便是應不食
菖蒲

送吏部劉相公除東川

帝念梓州民年年戰伐頻山川無荆棘烽火沒烟
 塵政亂皆因亂安人必籍仁皇天開白日殷鼎輟
 誠臣一日離君側千官送渭濱酒傾紅琥珀馬控
 白騏驎渥澤番番降壺漿處處陳旌幢山色溼邛
 夔鳥啼新帘幕還名儉良醫始姓秦軍雄城似岳
 地變物含春白必侵雙鬢清應誠四鄰吾皇重命
 相更合是何人

送智光禪伯

萬事歸一衲曹溪初去尋從來相狎輩盡不是知
 音乞食林花落穿雲翠巘深終希重一見示我祖
 師心

夜對雪寄杜使君

片片含天意紛紛勢莫拘洒於諸瑞後時有柏樹
再生甘露
 頻憂恐一冬無鶴慄聲偏密風焦片益籠冷牽人
 夢轉清逼瘴根徂掃徑僧傾笠為詩士棄鑪橋高
 銀蟬螻峰峻玉浮圖盈尺何須問豐年已可口遙

思郢中曲句句出冰壺

送王穀及第後歸江西

太宗羅俊彥桂玉比光輝
難得終須得言歸始是
歸風帆天際吼金鶚月中飛
五府如交辟魚書莫
便稀

送盧瞻罷廬陵幕歸閩鄉

文行成身事從知貴得仁
歸來還寂寞何以慰交
親芳艸色似動胡桃花
又新昌朝有知己好作談

垣臣

避寇白沙驛作

避亂無深淺蒼黃古驛東
草枯牛尚斲霞溼燒微
紅口口口口口人愁處處同
猶逢好時否孤坐雪
濛濛

聞李頻員外卒

蒼蒼難可問問答亦難聞
落葉平津岸愁人李使
君文章應力竭茅土始天分
又逐東風去迢迢隔

嶺雲

江陵寄翰林韓偓學士

久住荆溪北，禪關掛綠蘿。風清閒客去，睡美落花多。萬事皆妨道，孤峰謾憶他。新詩舊知己，始為味如何。

閒居作

閒門微雪下，慵惰計全成。默坐便終日，孤峰祗此清。身心閒少夢，杉竹冷多聲。唯有西峰叟，相逢眼

最明

和韋相公見示閒臥

刻形求得相，事事未嘗眠。霖雨方為雨，非烟豈是烟。童收庭樹果，風曳案頭牋。仲虺專為誥，何充雅愛禪。靜嫌山色遠，病是酒盃偏。蜩響初穿壁，蘭芽半出甄。堂懸金粟像，相公常供養維摩居士門枕御溝泉。旦沐雖頻握，融帷孰敢褰。德高群彥表，善植幾生前。脩補烏皮几，深藏子敬氈。扶持千載聖，蕭洒一聲

蟬暮陣連殘月僧文似大顛韓吏部重常知生似
 幻維重直如弦餅憶尊羹美茶思岳瀑煎祇聞溫
 樹譽堪比竹林賢脫穎三千士馨香四十年寬平
 開義路淡泞潤清由哲后知如子空王夙有緣對
 歸香滿袖吟次月當川休說慙如捷堯夫卽梵夫

禪月集卷十二終

海虞毛晉訂

禪月集卷十三

五言律詩三十二首

寄山中仇禪師

舉世遭心使吾師獨使心萬緣冥目盡一句不言
 深野火燒禪右殘霞照栗林秋風溪上路終願一
 相尋

秋寄栖一

一別一公後相思時一吁眼中瘡校未般若偈持

無公時有眼瘡因卷句冰團大鑪烟極極麗勸君
君記取不用更他圖

懷匡山山長二首

白石峰之半先生好在麼捲簾當大瀑常恨不如
他杉罅龍涎溢潭坳石髮多吾皇搜艸澤爭奈謝
安何

又

見說面前峰尋常醉亦登雨餘多菌出燒甚古崖

崩覺句曾衝虎耕田半為僧聞名多歲也常恨不
飛騰

懷高真動二首

知爾今何處孤高獨不群論詩唯許我窮易到無
文貫酒兒穿雪尋僧月照雲何時再相見兵寇尚
紛紛

又

久別無消息今秋忽得書諸孤婚嫁苦求已世情

疎亂甚無喬木溪多不釣魚祇應金岳色如爾復如余

秋末入匡山船行八首

楚國茱萸月吳吟梨粟船遠遊無定所高臥是何年浪卷紛紛葉檣衝澹澹烟去心還自喜廬岳倚青天

又

蘆葦深花裏漁歌一曲長人心雖憶越帆態似浮

湘石獺銜魚白汀茅浸浪黃等閒千萬里道在亦無妨

又

島上離家化茅茨竹戶開黃桑雙鵲喜白白有誰來擔浪澆秋芋緣灘取淨苔回頭深自愧舊業本蒿萊

又

匡阜層層翠脩江疊疊波從來未曾到此去復如

何水廟寒鴉集沙村夕照多誰知垂釣者孤坐鬢
皤皤

又

晚泊蒼茫浦風微浪亦麤估喧如亥冷檣密似林
枯地峻湖無口潮寒蚌有珠東西無定所何用問
前途

又

島香思賈島江碧憶清江囊橐誰相似饒慵世少

雙鼉驚入窟月燒到繫船椿護有歸鄉夢前頭是

楚邦

又

南北雖無適東西亦似萍霞根生石片象跡壞沙
汀隱隱兼葭赤微微蜃蛤腥因思范蠡輩未免亦
飄零

又

曉色干檣去長江八月時雨淙山骨出擗擗岸形

卑野水畚由黑荒汀獨鳥癡如今是清世誰道出
山遲

送僧歸華山

心枯衲亦枯歸岳揭空盂七貴留不住孤雲出更
孤燒灰猶湯足雪片側粘鬚他日如相覓還應道
到吳

送友人之嶺外

五嶺難為客君遊早晚回一囊秋課苦萬里瘴雲

開金柱根應動風雷舶欲乘明時好口進莫滯長
卿才

送盧舍人朝覲

羶行無為日垂衣帝道亨聖真千載聖明必萬年
明重德須朝覲流年不可輕洪才傳出世清甲得
高名罕玉藏無映嵇松畫不成起銜軒后勅醉別
亞夫營燒潤荆州熟霞新峴首晴重重堯雨露去
去漢公卿白髮應從百清貧但更清夢緣丹陛險

春傍綵衣生既握鍾絲筆須調傳說美倘因星使
出一望問支鏗

上馮使君山水障子

憶山歸未得畫出亦堪隣崩岸全隳路荒村半有
烟筆勾崗勢轉墨捨燒痕顛遠浦深通海孤峰冷
倚天柴棚坐逸士露茗煮紅泉繡與蓮峰竟威如
劍閣牽石門關塵鹿氣候有神仙茅屋書窻小苔
堦滴瀑圓松根擊石朽桂葉蝕霜鮮畫出欺王墨

擊將獻惠連新詩寧妄說舊隱實如然願似窻中
列時聞大雅篇

送令狐煥赴闕

渚宮搖落日相送碧江滯陟也須為相天乎更贊
誰風高檣力出霞熱鳥行遲此去多來客無忘慰
所思

送吳融員外赴闕

漢文思賈傳賈傳遂生還今日又如此送君非等

閒雲寒猶惜雪燒猛似烹山應笑無機者騰騰天地間

送姚洎拾遺自江陵幕赴京

捧詔動征輪分飛楚水濱由來真廟器多作伏蒲人捨魯知非願朝天不話貧沙頭千騎送島上一蟬新莫使身侵貴無矜貴逼身玉階凝正色蘭苑漲芳塵轡輅方離華車書漸似秦流年飄儵忽書札莫因循涼雨鳴紅葉非烟閉紫宸憑將西社意

一說向荀陳

送僧入石霜

舉世祗堪吁空知與道俱論心齊至聖對鏡破凡夫業王如雲合頭低似箭牛頭大師云猶口口起業業如雲俱合誰云入地獄人頭向上也三清徒妄想千載亦須臾唯我流陽叟深雲領毳徒盡騎香白象皆握月明珠寂寞排松榻爛斑半雪鬚苔侵長者論嵐蝕祖師圖翠巘金鐘曉香林寶月孤髡髡齊白趾赫赫共洪鑪山

色鋤難盡松根踏欲無難評傳的的須到不區區
 撩舍新羅瘦鑪烟楸龕燒番平虎窟分瀑入香
 廚師去情何切人間事莫拘窠林宿古塚踏葉揭
 空盂無事終無事令枯便合枯鳥窠和尚云無事
 無事為法道口云
 學向上事不入即他年相覓在亦不是生蘇
 須如枯口嫁也

送僧歸南康

殼殼學得律還鄉見苦情遠思芳艸盛不入楚山
 行帆入汀烟徒經吟戌月清到鄉同學輩應到顛

江迎

送陳秀才赴舉兼寄韓舍人

主聖臣賢日求名莫等閒直須詩似玉不用力如
 山草白兵初息年豐駕已還憑將安養意一說向
 曾顏昔西社群公盡生
 安養安養西方也

送友人及第後歸台州

得桂為邊辟翩翩頗合宜嫖姚留不住畫錦已歸
 遲島側山藏虎湖心浪撼碁終期華頂下共禮淥

身師天台石橋有白道

晚春寄張侍郎

遐想涪陵岸山花半已殘人心何以遣天步正艱

難時昭宗鳥聽黃袍小禽也城臨白帝寒應知窻

下夢日日到江干

寄景判官兼思州葉使君

獨住西峰半尋常欲下難石多桐屐齧香甚藥花

乾荏苒新鶯老窮通亦自寬髯參與短簿始為一

吟看

送盧秀才應舉

幾載阻兵荒一名終不忘還衝猛風雪如畫冷朝

陽時名畫李白王昌口常遣冷朝陽冒風雪入京句好慵將出囊空却不

忙明年公道日去去必穿楊

聞新蟬寄桂雍

新蟬終夜叫嘒嘒隔溪濱杜宇仍相雜故人聞不

聞捲簾花動月冥目砌生雲終共謝時去西山鸞

鶴群

寄懷楚和尚二首

吾師師子兒而復貌瓌奇何得文明代不爲王者
 師鐵盂湯雪早石炭煮茶遲謾有參尋意因循到
 亂時神宗時日風雲人京師又來兼下不跳躑諸峰險徊翔萬里空爭將金鎖鎖那把玉籠
 籠印缺香崩火窻疎蝎喫風未懷今已矣吟坐雪

濛濛

和韋相公話婺州陳事

昔事堪惆悵談玄愛白牛法華經中以白牛喻大乘千場花下
 醉一片夢中遊耕避初平石燒殘沈約樓無因更
 重到且副濟川州

禪月集卷十三

終

海虞毛晉訂

禪月集卷十四

五言律詩三十二首

遇五天僧入五臺五首

十萬里到此辛勤詎可論
唯云吾上祖自買給孤園
二月行沙磧三更到鐵門
白頭鄉思在迴首一銷魂

又

雪嶺頂危坐乾坤四顧低
河橫于闐北日落月支

西水石香多白猿猴老不啼空餘忍辱草相對色
萋萋

又

遠禮清涼寺尋真似善才身心無所得日月不將
來白疊還圖象滄溟亦泛盃唐人亦何幸處處覺
花開

又

塗足油應盡乾陀帔半墮辟支迦狀貌利利帝家

兒結印魔應哭遊心聖不知深嗟頭已白白得遠
相隨

又

送迎經幾國多化帝主心電激青蓮自環垂紫磨
金眉根霜入細梵夾蠹相侵必似陀波利他年不
可尋

經普化禪師影院

大上今何處登堂似昔時曾蒙金印印得異野干

兒影束龍神在門荒桐竹衰誰云續僧史別位著
吾師

秋寄李頻使君二首

爲郎須塞詔當路亦驅驅貴不因入得清還似句
無燒烟連野白山藥撥階枯想得徵黃詔如今已
在途

又

務簡趣難陪清吟共綠苔葉和秋蟻落僧帶野香

來畱客朝嘗酒憂民夜畫灰終期冒風雪江上見
宗雷

上東林和尚

讓紫歸青壁高名四海聞雖然無一事得不是要
君道祇傳伊字詩多笑碧雲應憐門下客餘力亦
爲文

江邊道士

獨住大江濱不知何代人藥鑪生紫氣肌肉似紅

銀酒醞竹屋爛符收山鬼仁何妨將我去一看武陵春

送僧之湖外

去肯趣非常春風爾莫狂惟擎一鐵鉢舊亦講金剛午飯孤烟裏宵禪大石旁羨師終不及湘浪淥茫茫

懷謬獨

常憶蘭陵子瓌竒皴渴才思還如我苦時不為伊

來岳霞猱擲雪湖月浪翻盃未聞沾寸祿此事亦堪哀

送廬山衲僧

飛錫下崆峒清高世少雙凍夫方飾雪別我去何那燒遠赤鳥亥雲漫白蚌江路人爭得識空仰鬢眉癯

寄西山胡汾吳樵

帶經鋤隴者何止手胼胝負句句句好慚予筋力

衰雲埽臨案冷鹿隊過門遲相憶空回首江頭日暮時

休糧僧

不食更何憂自由中自由身輕嫌衲重天旱為人愁應器誰將去生臺蟻不遊會須傳此術相共老

山丘

送杜使君朝覲

借寇借不得清聲徹帝聰坐來千里泰歸去一囊

空遺愛封疆熟板輟草木同路遙山不少江靜思無窮花舸衝烟濕朱衣照浪紅援毫兩岸曉欹枕滿旗風道罕將入合心難與聖通從茲林下客應口代天功

送人之嶺外

見說還南去迢迢有侶無時危須早轉親老莫他圖小店虵羹黑空山象糞枯三間遺廟在爲我嗚呼

題弘式和尚院

二雅兼二密，惜惜祇自怡。臘高雲屐朽，貌古陶師疑。
漸蟻緣金錫，鑪烟惹雪眉。仍聞有新作，祇是寄相思。

湖頭別墅三首

梨栗鳥啾啾，高歌若自由。人誰知此意，舊業在湖頭。
飢鼠掀一作歡菱殼，新蟬避栗皺。不知江海上，戈甲幾時休。

又

桑柘參桐竹，陰陰一逕幽。苔更無他事，出祇有衲僧來。
漸蟻爭生食，窗經卷燒灰。可憐門外路，日自起塵埃。

又

南北如仙境，東西似画图。園飛青啄木，簷掛白蜘蛛。
鄰叟教修廢，牛童與納租。寄言往來客，不用問榮枯。

三峽聞猿

歷歷數聲猿寥寥渡白烟應栖多月樹況是下霜
天萬里客危坐千山境悄然更深仍不住使我欲
移船

聞知聞赴成都辟請

文翁還化蜀帘幕列鷓鴣飲水臨人易燒山覓士
難錦機花正合樓葦火初乾知已相思否如何借
羽翰

題淮南惠照寺律師院

儀冠疑寒玉端居似沃州學徒悟有鳳律藏目無
平茗滑香粘齒鐘清雪滴樓還須結西社來往悉
諸侯

秋末長興寺作

荒寺古江濱莓苔地絕塵長廊飛亂葉寒雨更無
入栗不和皴落僧多到骨貧行行未得孤坐更
誰親

寄杭州靈隱寺宋震使君

罷郡歸侵夏仍聞靈隱居僧房謝眺語寺額葛洪
書晉道士葛洪與靈隱寺書額了去至今在月樹獼猴睡山池菌菴疎
吾皇愛清靜莫便結吾廬

送人歸夏口

鴈鴈葉紛紛行人豈易聞千山與萬水何處更逢
君貌不常如玉人生祇似雲倘經三祖寺一為禮
龕墳

送新羅僧歸本國

忘身求至教求得却忘歸離听乘空去終年無所
依月衝陰火出帆授大鵬飛想得還鄉後多應著
紫衣

避寇入銀山

草草穿銀峽崎嶇路未諳傍山為店戍永日遶溪
潭燒地生菝蕨人家煮偽蠶翻如歸舊隱步步入
烟嵐

聞友人駕前及第

見心知命好，一別隔烟波。世亂無全士，君方擬大科。早隨鑿路轉，莫戀蜀山多。必貢安時策，忠言奈爾何。

避地毗陵上王慥使君

時黃賊陷東陽公避地於浙右

至理至昭昭，心通卽不遙。聖威無遠近，吾道太孤標。辛苦蘇氓俗，端貞荅聖朝。氣高吞海岳，貧甚似

漁樵。庾亮風流澹，劉寬政事超。清須遭貴遇，隱已
被誰招。栗塢修禪寺，仙香寄石橋。風雷逃稼穡，魚
鳥合歌謠。視事私終殺，憂民泰亦彫。道高無不及，
恩甚固難消。大寇山難隔，孤城數合燒。烽烟終日
起，湯沐用心焦。勇義排千陣，誅鋤擬一朝。誓盟違
日月，時賊僞降盟書終背旌旆過寒湖。古駟江雲入，荒宮海
雨飄。仙松添瘦碧，天驥減豐臙。似在陳兼衛，終爲
宋與姚。已觀雲似鹿，卽報首皆梟。盡願迴清鏡，重

希在此條應_レ矜_二千萬戶_一禱祝向唐堯

送崔尚書朝覲


至理契穹旻_レ方生甫與申_一一麾歌政正_二三相賀_一仁
 人_レ匹似盧懷慎_レ全如邵信臣_レ澄渟消宿蠹_レ煦愛及
 陽春對客烟花拆_レ焚香渥澤新_レ徵黃還_レ有_レ自_レ相_レ公_レ弟
號當公遂挽_レ鄧_レ住_レ無_レ因_レ峽水全_レ輪_レ潔_レ巫娥却_レ訝_レ神
避賢路也宋均顏未老_レ劉寵骨應貧_レ大醉辭王_レ剪_レ含_レ香_レ望_レ紫
 宸_レ三峰初有雪_レ萬里正無塵_レ伊昔林中_レ社_レ多_レ招_レ席

上珍終期仙掌下香火一相親

禪月集

十

汲古閣



禪月集卷十四

終

海虞毛晉訂

